



Në bazë të nenit 64.2, pika (a) dhe (b); 128.1 të Ligjit nr. 03/L-073 për Zgjedhjet e Përgjithshme dhe Ligjit nr. 03/L-256 për Ndryshimin dhe Plotësimin e Ligjit nr. 03/L-073 për Zgjedhjet e Përgjithshme në Republikën e Kosovës dhe nenit 20, 29.1 të Ligjit nr. 03/L-072 për Zgjedhjet Lokale në Republikën e Kosovës, Komisioni Qendror i Zgjedhjeve, me datë 02.07.2013, nxjerr:

RREGULLËN ZGJEDHORE Nr. 11/2013
KODI I MIRËSJELLJES PËR SUBJEKTET POLITIKE, MBËSHTETËSIT E
TYRE DHE KANDIDATËT

Neni 1

Dispozitat e përgjithshme

Kodi i sjelljes për subjektet politike, mbështetësit e tyre dhe kandidatët ka për qëllim krijimin e kushteve në të cilave populli i Kosovës mund të zgjedhë përfaqësuesit e tij përmes zgjedhje të lira, të drejta dhe të mirë-informuara, në një atmosferë të tolerancës demokratike, paqes dhe respektit për sundimin e ligjit.

Neni 2

Përkufizimet

- 2.1 **KZAP** - do të thotë **Komisioni Zgjedhor për Ankesa dhe Parashtresa**, një organ i pavarur përgjegjës për vendosjen për parashtresat dhe ankesat në lidhje me procesin zgjedhor;
- 2.2 **Kandidati** - do të thotë kandidati për deputet të Kuvendit të Kosovës, i cili garon në emër të një partie politike apo nisme qytetare;
- 2.3 **Qendra e Votimit (QV)** do të thotë ndërtesa ku ndodhen një apo më shumë vendvotime për qëllim të votimit në zgjedhje dhe përfshinë një hapësirë publike brenda rrezes 25 metra nga dera e hyrjes në ndërtesë;
- 2.4 **Subjekti politik** - do të thotë parti politike, koalicion, nismë qytetare ose kandidat i pavarur;

Neni 3

Përgjegjësitë e subjekteve politike, mbështetësve të tyre dhe kandidatëve

- 3.1 Këtij Kodi i detyrohen të gjitha subjektet politike, kandidatët, anëtarët e subjekteve dhe mbështetësit e tyre.
- 3.2 Paneli Zgjedhor për Ankesa dhe Parashtresa (PZAP) ka autoritet ligjor të marrë vendim në pretendimet se janë shkelur dispozitat e këtij Kodi si dhe të shpallë sanksione dhe kompensime në përputhje me procedurat e saj.
- 3.3 Subjektet politike informojnë në mënyrë të duhur anëtarët, mbështetësit dhe kandidatët e tyre rreth dispozitave të këtij Kodi.
- 3.4 Subjektet politike ndërmarrin të gjitha hapat e nevojshëm për të parandaluar anëtarët, mbështetësit dhe kandidatët e tyre nga shkelja këtij Kodi.
- 3.5 Subjektet politike mbahen përgjegjëse për shkeljet e këtij Kodi të kryera nga anëtarët, mbështetësit dhe kandidatët e tyre.
- 3.6 Subjekti politik mund të paraqesë prova pranë PZAP-it që tregojnë se ka bërë përpjekje serioze për të parandaluar dhe/ose dekurajuar anëtarët, mbështetësit dhe kandidatët e tij nga shkelja e Kodi. Këto dëshmi mund të përdoren në përcaktimin e duhur të masave të mëtejshme dhe mund të përfshijë dëshmi se:
 - (a) subjekti politik i ka informuar anëtarët, mbështetësit dhe kandidatët e tij për dispozitat e këtij Kodi dhe nevojat për të zbatuar dispozitat e tij;
 - (b) subjekti politik dhe kandidatët e tij publikisht janë shprehur për dënimin e dhunës, kërcënimeve me dhunë, apo frikësim gjatë procesit zgjedhor;
 - (c) subjekti politik në mënyrë publike dhe aktive ka bërë qortimin e anëtarëve, mbështetësve dhe kandidatëve të tij për çdo shkelje të ligjeve të zgjedhjeve;
 - (d) subjekti politik nuk ka nxitur, shtytur apo përkrahur anëtarët, mbështetësit dhe kandidatët e tij në shkeljen e Rregullave të zgjedhjeve në ndonjë rast të veçantë apo në raste tjera; dhe
 - (e) çdo provë tjetër në lidhje me përpjekjet e subjektit politik për të parandaluar anëtarët, mbështetësit dhe kandidatët e tij nga shkelja e Rregullave të zgjedhjeve.

3.7 Secili kandidat nënshkruan një deklaratë me të cilën konfirmohet se ai ose ajo do i bindet të gjitha ligjeve të aplikueshme dhe mbështet zbatimin e plotë të rezultateve zgjedhore të certifikuara.

Neni 4
Veprimet e ndaluara

4.1 Gjatë periudhës së fushatës, subjekti politik, mbështetësit ose kandidatët e tij, ndaloohen nga veprimet si në vijim:

- (a) heqja, mbulimi, dëmtimi ose ndryshimi i ndonjë njoftimi, pllakati, posteri ose materiali tjeter i cili përdoret për qëllime të fushatës zgjedhore nga ana e një subjekti tjeter politik;
- (b) vendosja e njoftimeve, pllakateve dhe postareve ose përndryshe vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugët publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare ose brenda ose në hapësirat private pa lejen e pronarëve ose shfrytëzuesve;
- (c) mbajtja ose ekspozimi i armëve të secilit lloj gjatë tubimeve politike ose gjatë çfarëdo lloj ngjarjeje që ka lidhje me aktivitetet e subjekteve politike. Mbajtja e armëve nga personat e tjerë gjatë tubimeve politike/manifestimeve lejohet vetëm në rast se personat që mbajnë armë të tillë janë të autorizuar për një gjë të tillë nga autoritetet përkatëse dhe që Policia e Kosovës është njoftuar paraprakisht se të tillë armë do të mbahen në tubimet e caktuara;
- (d) çrregullimi i tubimeve të subjekteve tjera politike ose nxitja e të tjerëve për një veprim të tillë; (e) pengimi ose tentimi për pengimin e gazetarëve për të përbushur detyrat e tyre profesionale;
- (f) premtimi i ndonjë shpërbłimi financier me qëllim të përfitimit të mbështetjes së votuesve;
- (g) kërcënimi ose tentimi për të kërcënuar subjektet tjera politike, mbështetësit ose kandidatët e tyre;
- (h) nxitja e cilitdo person për të votuar në zgjedhje, i cili nuk ka të drejtë vote;
- (i) nxitja e personit për të votuar më shumë se një herë në të njëjtat zgjedhje ose të votojë në emër të një personi tjeter;

- (j) abuzimi me të drejtën e ankesës, ose duke bërë ankesa ose paraqitje të rrejshme, të pavlera dhe irrituese në PZAP;
- (k) përdorimi i gjuhës, në formën e shkruar ose gojore, që nxit ose provokon, ose që mund të nxisë ose provokojë, një person tjeter për të kryer një akt të dhunës kundër personave tjerë ose pasurisë, ose e cila nxit apo mund të nxisë urrejtje kundrejt të tjerëve ose duke publikuar ose përdorur fotografi, simbole ose çfarëdo lloj materiali tjeter që ka ose mund të ketë ndikim të tillë, ose
- (l) për qëllime të promovimit të subjektit politik ose kandidatëve të tij duke përdorur fotografi, simbole ose çfarëdo lloj materiali i cili i referohet personit i cili:
 - (i) është në vuajtje të dënimit të shqiptuar nga Tribunali Penal Ndërkombëtar për ish-Jugosllavinë, ose
 - (ii) ka padi të ngritur nga Tribunali dhe i cili nuk i është përbajtur urdhrit për t'u paraqitur para Tribunalit.

Neni 5

Frikësimi dhe dhuna gjatë procesit zgjedhor

- 5.1 Ndalohet rreptësish përdorimi apo kërcënimini me përdorim të dhunës i çfarëdo lloji nga subjekti politik, anëtarët, mbështetësit ose kandidatët e tyre.
- 5.2 Asnjë subjekt politik ose kandidat nuk inkurajojnë, mbështesin ose miratojnë dhunën, kërcënimet me dhunë ose kanosje, gjatë procesit zgjedhor. Secili subjekt politik i informon anëtarët dhe mbështetësit e tij për nevojën për të shmangur një sjellje së tillë.
- 5.3 Fushata zgjedhore organizohet në atë mënyrë që një atmosferë e përshtatshme të mbizotërojë gjatë fushatës zgjedhore.

Neni 6

Veprimet e ndaluara nga shërbyesit publikë

- 6.1 Personi që mban pozitë publike, i zgjedhur apo i caktuar, nuk mund të përdorë atë zyrë ose ndonjë nga pasuritë e saj me qëllim të përfitimit të votave. Asnjë nga burimet e asnjë institucioni të administratës publike, qoftë të nivelit qendror ose lokal, ose edhe ndonjë ndërmarrjeje në zotërim ose të kontrolluar nga autoritetet qendrore ose lokale, nuk mund të shfrytëzohen ose të futen në mbështetje të ndonjë subjekti politik në zgjedhje.
- 6.2 Gjatë periudhës së fushatës zgjedhore asnjë subjekt politik nuk inkurajon ose përfiton

nga shërbyesi publik duke përdorur pozitën publike të tij ose saj për të zhvilluar fushatë për subjektin politik.

Neni 7

Veprimet e ndaluara para procesit të votimit

- 7.1 Gjatë periudhës njëzet e katër orëshe (24) para hapjes së Qendrave të Votimit për hedhjen e votës e deri në mbylljen e tyre, subjekteve politike, mbështetësve ose kandidatëve të tyre u ndalohet secili prej veprimeve si më poshtë:
- (a) shpërndarja ose shfaqja në mënyrë tjetër në ndonjëren nga Qendrat e Votimit, ose 100 metra brenda Qendrës së Votimit hapësirës së të njëjtës, e çfarëdo lloj materiali me qëllim ndikimi tek votuesit; ose të sigurojnë mbështetjen nga personat që presin për të votuar në vendvotime ose qendra të votimit;
 - (b) bërja e fushatës në çfarëdo mënyre;
 - (c) të shfrytëzojnë megafonët ose sistemet tjera për t’iu drejtuar publikut kudo qoftë në Kosovë me qëllim të ndikimit në votues; dhe
 - (d) të shfrytëzojnë mediat lokale ose ndërkombëtare me qëllim të ndikimit në votues.

Neni 8

Pranimi i rezultateve të zgjedhjeve

Të gjitha subjektit politike, mbështetësit dhe kandidatët e tyre obligohen t'u përbahen rezultateve të zgjedhjeve si dhe të mbështesin zbatimin e plotë të rezultateve zgjedhore të certifikuara.

Neni 9

Sanksionimi për shkeljet e parimeve të këtij Kodi

- 9.1 Shkelja e njërit nga këto nene të Kodit të Sjelljes, në rastet kur këto shkelje nuk kanë ndikuar në rezultatet e zgjedhjeve, konsiderohet shkelje administrative dhe e dënueshme me gjobë sikurse është përcaktuar nga PZAP-i.
- 9.2 Shkeljet e Kodit të Sjelljes së përcaktuar nga PZAP-i të cilat kanë tentuar të ndikojnë në rezultat e zgjedhjeve paraqesin vepër penale sipas Kodit Penal të Kosovës.

Neni 10
Dispozitat kalimtare dhe përfundimtare

Me hyrjen ne fuqi te kësaj rregulle, shfuqizohet Rregulla Zgjedhore numër 11/2009 Kodi i Mirësjelljes për Subjektet Politike, Mbështetësit e tyre dhe Kandidatët, e datës 25. 06. 2009.

Neni 11
Hyrja në fuqi

Kjo rregull hyn në fuqi më 02.07.2013.

Kryetari i Komisionit Qendror të Zgjedhjeve

Valdete Daka

